

## CANTU SES BELLA

Cantu ses bella o gioventudi,  
 candu prena de vigori e di onestadi,  
 passas in su mori de is abetus nostrus,  
 cumente unu frumini de perlas luxentis,  
 e in sa cara tua illuminada,  
 s'intèssinti s'òdi e su de benni,  
 po cantu atesu siada,  
 non nc'est lacana chi ti pongat timoria,  
 tui andas prexada a portai...  
 sa frisca arrosina chi segat su sidi,  
 e is froris chi mudanta dogna altari,  
 tui ses su sprigu aundi si bit clara...  
 s'anima manna de su mundu,  
 ma po essiri cumente luxi de y steddus...  
 in su coru de is sabius,  
 passa atesu de s'omini de s'arriori,  
 issu fait cresci poboresa e soledadi,  
 no ti firmis mai...  
 aundi sa pastura est langia e ingroghia,  
 inguni firmada is passus su tempus,  
 inguni firmada is passus sa morti,  
 ti dat a nai su messaggiu de sa luna chi mòridi,  
 ti dant'a nai is stagionis,  
 chi mùdanta candu sunti fadiadas,  
 firmadi solu cun s'orbesci de su soli,  
 su spiritu tuu est musica,  
 bai cun is melodias chi bivinti,  
 bai cun is cantus di alabanza,  
 cantu ses bella o gioventudi...  
 candu ses onesta,  
 intzandu solu ti fais meri cun onori,  
 de dogna espressioni de s'umanidadi.

## QUANTO SEI BELLA

*Quanto sei bella o gioventù, / quando piena di vigore e di onestà, / passi sul sentiero delle nostre speranze, / come un fiume di perle lucenti, / e sul viso tuo illuminato... / si intessono l'oggi e l'avvenire, / e per quanto possa essere lontano, / non c'è confine che ti metta paura, / tu vai contenta a portare... / la fresca rugiada che toglie la sete, / e i fiori che adornano ogni altare, / tu sei lo specchio dove si vede chiara... / la grande anima del mondo, / ma per essere come luce di stelle... / nel cuore dei saggi, / passa lontano dall'uomo dell'orrore, / lui fa crescere povertà e solitudine, / non fermarti mai... / dove il pascolo è magro e ingiallito, / è là che ferma i suoi passi il tempo, / è là che ferma i passi la morte, / te lo dirà il messaggio della luna che muore, / te lo diranno le stagioni... / che mutano quando sono stanche, / fermati soltanto col nascere del sole, / il tuo spirito è musica, / vai con le melodie che vivono, / vai con i canti di gloria. / Quanto sei bella o gioventù... / quando sei onesta, / soltanto allora ti fai padrona con onore, / di ogni espressione dell'umanità.*